

Ályktanir
23. ársþings SSNV
2015



Efnisyfirlit

ATVINNUMÁL OG BYGGÐAÞRÓUN	2
Atvinnumál.....	2
Sóknaráætlun landshluta	3
FJÁRMÁL SVEITARFÉLAGA	3
Tekjustofnar sveitarfélaga	3
LANDBÚNAÐUR	3
Búvörusamningar og nýr tollasamningur við ESB	3
FERÐAÞJÓNUSTA	4
Ferðaþjónusta	4
SAMGÖNGUMÁL	4
Samgöngumál.....	4
Almenningssamgöngur.....	5
Fjarskiptamál.....	6
OPINBER ÞJÓNUSTA OG EFTIRLITSSKYLD STARFSEMI	6
Opinber þjónusta og starfsemi á Norðurlandi vestra.....	6
Starfsemi og þjónusta eftirlitsstofnana á svæðis- og landsvísu.....	6
FÉLAGSÞJÓNUSTA OG HEILBRIGÐISMÁL	7
Málefni fatlaðs fólks.....	7
Heilbrigðisþjónusta	7
MENNTAMÁL	8
Fjölbrautaskóli Norðurlands vestra	8
Hólaskóli-Háskólinn á Hólum.....	8
HÚSNÆÐISMÁL	8
Jafnrétti til húsnæðislána.....	8
ANNAÐ	9
Refa- og minkaveiðar	9
Aðkeypt akstursþjónusta	9

**23. ársþing SSNV,
haldið á Blönduósi 16. október 2015,
samþykkir eftirfarandi ályktanir sem allar miða að eflingu byggða
og bættum búsetuskilyrðum á Norðurlandi vestra**

ATVINNUMÁL OG BYGGÐAÞRÓUN

Atvinnumál

23. ársþing SSNV, haldið á Blönduósi 16. október 2015, leggur áherslu á eftirfarandi þætti í atvinnumálum:

- Niðurstöður skýrslna Landshlutanefndar fyrir Norðurland vestra og A-Hún. nefndarinnar sýna, svo að ekki verður um villst, að þörf er á róttækum aðgerðum, m.a. í atvinnumálum, til að snúa við neikvæðri íbúa- og hagvaxtarþróun undanfarinna áratuga.
Þingið styður heils hugar þær tillögur sem fram koma í tillögum Landshlutanefndar fyrir Norðurland vestra og A-Hún. nefndarinnar um eflingu atvinnulífs í landshlutanum og beinir því til stjórnvalda að styðja við þær hugmyndir sem þar koma fram og vinna af krafti með heimamönnum í því sambandi.
- Þingið krefst þess að stjórnvöld beiti sér sérstaklega fyrir því að áform um uppbyggingu mannaflsfreks iðnaðar nái fram að ganga á starfssvæði samtakanna, líkt og unnið hefur verið að í öðrum landshlutum á undanförunum árum og áratugum. Einn af áhugaverðum kostum í því sambandi er bygging álvers við Hafursstaði. Til þess að þau áform gangi eftir þurfa stjórnvöld að leggjast á árarnar með heimamönnum og væntanlegum fjárfestum.
- Þingið leggur áherslu á mikilvægi þess að ráðist verði í stækkun Blönduvirkjunar og gerir kröfu um að orkuframleiðsla virkjunarinnar verði nýtt til atvinnuuppbyggingar á svæðinu.
- Þingið fer jafnframt fram á að raforkuöryggi verði tryggt á svæðinu í heild sinni og að þriggja fasa rafmagn verði tryggt fyrir íbúa þess.
- Mikilvægt er að tryggja stöðugleika í rekstrarumhverfi sjávarútvegs og landbúnaðar sem eru grunnstoðir atvinnulífs á Norðurlandi vestra. Stuðla þarf að nýliðun og framþróun í þessum greinum.
- Strandveiðar hafa sannað gildi sitt og haft jákvæð áhrif. Mikilvægt er að byggðastuðningur í gegnum línuívilnun og byggðakvóta verði áfram til staðar og verði ekki skertur.
- Flutningskostnaður er landsbyggðarskattur og því er afar brýnt að tillögur um skerðingu á fjármunum til jöfnunar flutningskostnaðar verði endurskoðaðar í því skyni að jafna kjör allra landsmanna í þessum efnum.
- Aðgengi fyrirtækja á landsbyggðinni að fjármagni á samkeppnishæfum kjörum verði tryggt, m.a. í gegnum lánasvið Byggðastofnunar og aðrar fjármálastofnanir í landinu.
- Vel hefur tekist til með uppbyggingu á rannsókn- og þróunarstarfi á sviði nýtingar náttúruauðlinda og matvælaíðnaðar í landshlutanum. Má þar nefna fjölbreytt starf í Verinu, Þekkingarsetrinu á Blönduósi, hjá Biopol og Selasetri Íslands.
Mikil sóknarfæri felast í áframhaldandi uppbyggingu fyrirtækja og stofnana á þessu sviði og mikilvægt að stjórnvöld styðji enn betur við þessa vaxtarbrodda í landshlutanum.

- Þingið leggur áherslu á mikilvægi þess að flýta ljósleiðaravæðingu svæðisins, enda um mikið hagsmunamál að ræða fyrir hvoru tveggja atvinulíf og styrkingu svæðisins sem búsetukosts.

Sóknaráætlun landshluta

23. ársþing SSNV, haldið á Blönduósi 16. október 2015, lýsir ánægju með það fyrirkomulag sem á hefur komist á vettvangi Sóknaráætlunar landshluta þar sem forræði fjármuna og verkefna er á höndum heimamanna með samþættingu áætlana og samninga um verkefni á svæðinu að leiðarljósi.

Þingið harmar þær skerðingar á fjármagni sem orðið hafa á undanförunum árum, m.a. til þeirra samninga sem voru undanfari sóknaráætlunarinnar, s.s. til menningarsamningsins.. Skorað er á stjórnvöld að fylgja eftir af heilum hug því starfi sem raunverulega átti að vinna samkvæmt Sóknaráætlun landshluta og tryggja að þeim fjármunum verði veitt í verkefnið sem upphaflega stóð til.

FJÁRMÁL SVEITARFÉLAGA

Tekjustofnar sveitarfélaga

23. ársþing SSNV, haldið á Blönduósi 16. október 2015, lýsir miklum áhyggjum yfir versnandi rekstrarstöðu sveitarfélaga og óskar eftir því að þingmenn beiti sér fyrir aukinni hlutdeild sveitarfélaga í skatttekjum ríkisins.

Tekjustofnar hafa víða verið að gefa eftir eða halda hvergi nærri í við stórauðinn rekstrarþunga sem leiðir bæði af miklum launahækkunum og almennt vaxandi þjónustuþörf.

Ársþingið bendir á að lækkun tryggingargjalds væri áhrifarík leið til að lækka útgjöld sveitarfélaga.

LANDBÚNAÐUR

Búvörusamningar og nýr tollasamningur við ESB

23. ársþing SSNV, haldið á Blönduósi 16. október 2015, lýsir yfir miklum áhyggjum af nýgerðum tollasamningum við Evrópusambandið. Ljóst er að samningurinn veldur verulegum breytingum á íslenskum markaði með landbúnaðarvörur og að í mörgum tilvikum mun samkeppnisstaða bænda versna til muna.

Mikilvægt er að flýta gerð nýrra búvörusamninga, tryggja þar afkomu og stöðu bænda og réttláta samkeppnisstöðu gagnvart bændum í öðrum löndum.

FERÐAÞJÓNUSTA

Ferðaþjónusta

23. ársþing SSNV, haldið á Blönduósi 16. október 2015, leggur áherslu á þá miklu möguleika sem felast í uppbyggingu ferðaþjónustu og grunnstöðum hennar í landshlutanum.

Uppgangur í ferðaþjónustu á Norðurlandi vestra hefur verið heldur hægari en í öðrum landshlutum. Í ferðaþjónustunni liggja gríðarlegir vaxtarmöguleikar og á Norðurlandi vestra eru þeir jafnvel meiri en í öðrum landshlutum.

Þingið bendir á nýútkomna stefnumótun Atvinnuvega- og nýsköpunarráðuneytisins og SAF fyrir ferðaþjónustuna á Íslandi og lýsir yfir ánægju sinni með þær áherslur sem fram koma um mikilvægi landsbyggðarinnar í frekari uppbyggingu greinarinnar.

Í ljósi þessa kallar þingið eftir því að stjórnvöld fylgi eftir aðgerðum til betri dreifingar ferðamanna um landið árið um kring, til minnkunar álags á fjölförnum staðina. Í því sambandi telur SSNV sig vel í stakk búíð að stíga næstu skref í þróun áfangastaða á svæðinu með sanngjörnum auknum opinberum framlögum á vegum ANR. Algjört lykilatriði fyrir frekari uppbyggingu er að ríkið standi mun betur að viðhaldi og uppbyggingu vega á og við helstu ferðamannastaði í landshlutanum.

Eitt mikilvægasta baráttumálið er lýtur að fjölgun ferðamanna á Norðurlandi vestra er opnun nýrrar fluggáttar til landsins með eflingu alþjóðaflugvallar á Akureyri. Þingið fagnar störfum nefndar forsætisráðherra um þetta mál og vonar að með tilhlýðilegu fjármagni styttist í að beint flug inn á Norðurland verði að veruleika.

Afar brýnt er að stórauka fjármagn sem veitt er til upplýsingamiðstöðva á landsbyggðinni, m.t.t. heilsársþjónustu. Styrkja þarf rekstrargrundvöll markaðsstofa landshlutanna og með auknu fjármagni að gera þeim kleift að sinna sérstökum áhersluverkefnum í markaðssetningu fáfarnari svæða.

SAMGÖNGUMÁL

Samgöngumál

23. ársþing SSNV, haldið á Blönduósi 16. október 2015, krefst þess að unnið verði að uppbyggingu vega á Norðurlandi vestra og mótmælir harðlega því mikla fálæti sem landshlutanum hefur verið sýnt þegar kemur að nýframkvæmdum í nýrri Samgönguáætlun þar sem nánast ekkert er sett í viðhald né nýframkvæmdir í landshlutnum. Slíkt er með öllu óboðlegt, þar sem vegir og brýr á svæðinu grotta niður og hættuleg umferð og ófær stærri tækjum. Slíkt hamlar atvinnustarfsemi á svæðinu.

Þingið beinir því til innanríkisráðherra að eftirfarandi framkvæmdir á Norðurlandi vestra verði settar á samgönguáætlun:

- Þverárfjallsvegur: Endurbygging Skagastrandarvegar frá þjóðvegi 1 að Höskuldsstöðum.

- *Héraðs- og tengivegir: Afar brýnt er að stórbæta viðhald héraðs- og tengivega í Húnavatns- og Skagafjarðarsýslum og að meginæðar þeirra verði lagðir bundnu slitlagi.*
- *Brýr og ræsi: Átak verði gert í að endurnýja brýr og ræsi*
- *Eftirfarandi framkvæmdir eru áherslur ársþingsins:*
 - ✓ *Vatnsnesvegur 711*
 - ✓ *Miðfjarðarvegur 704*
 - ✓ *Viðidalsvegur 715*
 - ✓ *Þingeyravegur 721*
 - ✓ *Vatnsdalsvegur 722*
 - ✓ *Svínvetningabraut 731*
 - ✓ *Skagavegur 745*
 - ✓ *Skagafjarðarvegur 752*
 - ✓ *Reykjastrandarvegur 744*
 - ✓ *Tindastólsvegur 746*
 - ✓ *Hegranesvegur 764*
- *Þjóðvegur 1: Áfram verði unnið að viðhaldi og breikkun þjóðvegur 1 á starfssvæði SSNV.*
- *Kjalvegur: Sívaxandi umferð um Kjalveg krefst mun meira viðhalds og þjónustu en verið hefur. Með uppbyggingu Kjalvegur er verið að bæta við nýju hliði inn á Norðurland vestra og skapa þannig möguleika á fjölgun ferðamanna þar.*
- *Jafnframt skorar þingið á innanríkisráðherra að tryggja áætlunarflug til Saudárkróks og minnir á að óviðunandi er að Norðurland vestra verði eini landshlutinn, sem ekki liggur að höfuðborgarsvæðinu, sem ekki nýtur þjónustu innanlandsflugs. Þingið skorar á innanríkisráðherra að láta kanna kosti þess að gera Alexandersflugvöll á Saudárkróki að varaflugvelli fyrir Keflavíkflugvöll, Reykjavíkflugvöll og Akureyrarflugvöll.*

Almenningssamgöngur

23. ársþing SSNV, haldið á Blönduósi 16. október 2015, lýsir yfir ánægju með aukna þjónustu við íbúa á sviði almenningssamgangna sem hefur reynst mikilvægur þáttur í að styrkja samgöngur innan svæðis og tengja það við aðra landshluta. Vaxandi fjöldi farþega sýnir, svo ekki verður um villst, að áhugi er fyrir að nýta þjónustuna og þróa hana enn frekar.

Ársþingið harmar hinsvegar að ekki skuli hafa verið staðið við þau fyrirheit sem gefin voru af hálfu ríkisins varðandi einkaleyfi á umsömdum akstursleiðum og að ríkið hafi einhliða ákveðið að hætta niðurgreiðslu oliugjalds vegna almenningssamgangna, með þeim afleiðingum að afkoma verkefnisins hefur ekki orðið í samræmi við áætlanir. Í raun er um algeran forsendubrest að ræða.

Ársþingið telur áframhaldandi aðkomu sveitarfélaga að verkefninu byggjast alfarið á því að fjárframlög ríkisins og farþegatekjur dugi fyrir rekstrarkostnaði og að bætt verði lagaleg umgjörð verkefnisins svo umboð til sérleyfisaksturs verði skýrt og óskorað.

Fjarskiptamál

23. ársþing SSNV, haldið á Blönduósi 16. október 2015, krefst þess að tryggð verði aukin gæði fjarskipta á Norðurlandi vestra, hvort sem um ræðir nettengingar, GSM samband á svæðinu eða önnur fjarskipti sem fylgja því að búa í nútímasamfélagi, hvort sem það tengist námi, starfi eða til að tryggja öryggi íbúa.

Lögð er áhersla á það sanngirnis- og jafnréttismál að allir íbúar landsins eigi kost á háhraðatengingu sem stenst nútímakröfur óháð búsetu. Sú krafa er í samræmi við fjarskiptaáætlun þar sem rik áhersla er lögð á atvinnuuppbyggingu, bætt lífsgæði og jákvæða byggðáþróun.

Víða á Norðurlandi vestra er fjarskiptum verulega ábótavant. Gott farsíma- og netsamband er í senn stór öryggisþáttur og mikilvægur þáttur í uppbyggingu þjónustu, bæði fyrir íbúa og vaxandi fjölda ferðafólks. Skortur á góðum fjarskiptum getur stadið í vegi fyrir uppbyggingu fyrirtækja og þjónustu, dregið þannig úr lífsgæðum og veikt svæðið sem valkost til búsetu.

Árþingið hvetur því til þess að breiðbandstenging (a.m.k. 100 mb) verði skilgreind sem grunnþjónusta fyrir alla landsmenn og að því takmarki verði náð ekki síðar en árið 2020, fyrir að a.m.k. 99,9% landsmanna.

Lögð er áhersla á að ráðist verði í landsátak á uppbyggingu á ljósleiðarkerfi, þar sem horft verði til efla farnet, örugg fjarskipti við rekstur mikilvægra innviða eins og raforkukerfis og traust fjarskipti fyrir sjó- og vegfarendur.

Eitt mikilvægasta byggðamálið í dag er að koma ljósleiðara inn á hvert heimili og er því skorað á stjórnvöld að skilgreina í fjárlögum fjármagn til endurgreiðslu kostnaðar við uppsetningu ljósleiðarakerfis og þá sérstaklega í dreifbýli

OPINBER ÞJÓNUSTA OG EFTIRLITSSKYLD STARFSEMI

Opinber þjónusta og starfsemi á Norðurlandi vestra

23. ársþing SSNV, haldið á Blönduósi 16. október 2015, leggur ríka áherslu á að ekki verði gengið lengra í fækkun opinberra starfa og skerðingu opinberrar þjónustu í landshlutanum.

Fækkun opinberra starfa og skerðing sem orðin er á grunnþjónustu hefur haft alvarleg áhrif á lífsgæði íbúa og svæðið sem ákjósanlegan valkost til búsetu.

Árþingið vill ítreka áskorun sína um að veita fé til að framkvæma þau verkefni sem sett eru fram í skýrslu Norðvesturnefndar sem og A-Hún nefndar. Nauðsynlegt er að gerð verði áætlun um uppbyggingu þjónustu á svæðinu til framtíðar, þar sem hugað verði að nýjum verkefnum, stuðningi við þá starfsemi sem fyrir er og flutningi ríkisstarfa til svæðisins.

Starfsemi og þjónusta eftirlitsstofnana á svæðis- og landsvísu

23. ársþing SSNV, haldið á Blönduósi 16. október 2015, leggur áherslu á að eftirlit og þjónusta við eftirlitsskylda starfsemi í landshlutanum skuli innt af hendi af heilbrigðiseftirliti, vinnueftirliti, eldvarnareftirliti og öðrum eftirlitsaðilum sem staðsettir eru á Norðurlandi vestra.

Jafnframt verði eftirlitsaðilum á Norðurlandi vestra falin önnur þau verkefni sem annast þarf á þeim vettvangi, í stað þess að færa þau til miðlægra stofnana og auka þannig kostnað atvinnulífsins á svæðinu.

Einnig er brýnt að samræma og samþætta eftirlitsstarfsemi til að draga úr heildarkostnaði við eftirlit og þeim kostnaði sem fellur á fyrirtæki og atvinnulíf.

FÉLAGSÞJÓNUSTA OG HEILBRIGÐISMÁL

Málefni fatlaðs fólks

23. ársþing SSNV, haldið á Blönduósi 16. október 2015, fer fram á tafarlausa leiðréttingu á tekjuforsendum Jöfnunarsjóðs vegna þjónustu málefna fatlaðs fólks árin 2014 og 2015.

Málaflokkurinn á starfssvæði Róta bs., er rekinn með umtalsverðum halla sem má að verulegu leyti rekja til reglugerðar um fjárframlög og endurmats Jöfnunarsjóðs á útgjaldabörf.

Komið hefur í ljós að regluverkið hefur neikvæð fjárhagsleg áhrif á þjónustusvæði með dreifða þjónustu í dreifðri byggð líkt og starfssvæði Róta bs. Svæðinu er í reynd refsað fyrir að erfitt kann að reynast að veita þjónustu vegna fámennis og langra vegalengdra.

Aðildarsveitarfélög Róta bs. hafa lagt áherslu á að framfylgja markmiðum yfirfærslunnar með samþættingu nærþjónustu, bættri þjónustu ásamt því að tryggja góða nýtingu fjármuna og vilja að sjálfsögðu tryggja að íbúar þeirra hafi áfram aðgang að þjónustu sem lög um málefni fatlaðs fólks mæla fyrir. Aðildarsveitarfélögin hafa því árin 2014 og 2015 greitt umtalsvert með þjónustunni, um 60 m.kr. árið 2014 og það stefnir í a.m.k. 110 m.kr. halla árið 2015.

Ljóst er að ef ekki koma til meiri fjármunir af hálfu ríkisvaldsins er fátt annað í stöðunni en að velferðarráðuneytið taki við rekstri málaflokksins.

Heilbrigðisþjónusta

23. ársþing SSNV, haldið á Blönduósi 16. október 2015, skorar á ríkisstjórn Íslands og Alþingi að standa vörð um þá heilbrigðisþjónustu sem nú er veitt á Norðurlandi vestra og byggja upp nauðsynlega og stöðuga grunnþjónustu eftir langvarandi niðurskurð.

Óásættanlegt er að þjónustan verði skert meira en orðið er og sú óvissa sem ríkt hefur um þjónustuna og framkvæmd hennar er ekki boðleg. Slikt skaðar búsetuöryggi og lífsgæði á svæðinu.

Þá skorar þingið á stjórnvöld að tryggja nægilegt fjármagn til þess að sérfræðilæknar sjái sér fært að fara í vinnuferðir út á land. Má þar t.d. benda á augnlækna sem margt eldra fólk þarf reglulega að fara til.

MENNTAMÁL

Fjölbrautaskóli Norðurlands vestra

23. ársþing SSNV, haldið á Blönduósi 16. október 2015, leggur áherslu á að staðinn verði vörður um Fjölbrautaskóla Norðurlands vestra sem er ein af grunnstöðum byggðar og menntunar í landshlutanum, bæði í bóknámi og verkgreinum. Vel hefur tekist til við þróun nýrra námsleiða við skólann og mikilvægt að því uppbyggingar- og þróunarstarfi verði haldið áfram og skólanum tryggðar nægar fjárveitingar.

Fjölbrautaskóli Norðurlands vestra hefur unnið vel heppnað brautryðjendastarf í uppbyggingu dreifnáms á landsbyggðinni og stendur nú að dreifnámi á þremur stöðum, Blönduósi, Hvammstanga og Hólmavík. Ársþingið leggur áherslu á að tryggðir verði fjármunir til lengri tíma til reksturs og frekari þróunar dreifnáms á þessum stöðum. Dreifnámið hefur sannað gildi sitt svo ekki verður um villst, styrkir byggð, aðgengi að námi og búsetujafnrétti á Ströndum og Norðurlandi vestra.

Þá er starfsemi Fjölbrautaskóla Norðurlands vestra mikilvægur þáttur í hækkun menntunarstigs á svæðinu og því nauðsynlegt að skólinn fái að taka inn nemendur sem eru eldri en 25 ára.

Hólaskóli-Háskólinn á Hólum

23. ársþing SSNV, haldið á Blönduósi 16. október 2015, undirstrikar mikilvægi Hólaskóla-Háskólans á Hólum fyrir mennta- og þróunarstarf á landsvísi og þá þýðingu sem starfsemi hans hefur fyrir landshlutann. Lögð er áhersla á mikilvægi Hóla í Hjaltadal, Hólaskóla-Háskólans á Hólum og vígslubiskupsembættis Hólastiftis.

Hólar eru eitt elsta sögu-, menningar- og menntasetur þjóðarinnar og starfsemin þar skiptir griðarmiklu máli fyrir héraðið, landshlutann sem og þjóðina alla.

Háskólinn á Hólum hefur vaxið og dafnað á síðustu áratugum. Hann brautskráir nemendur með starfsmenntagráður, diplómapróf og háskólagráður.

Gæfa og styrkur Hóla í Hjaltadal er sjálfstæði og ábyrgð heimamanna. Bundið er í lögum, bæði fyrir skóla og biskupssetur, að rektor Hólaskóla og vígslubiskup Hólastiftis búi á Hólum. Þessi skipan hefur reynst farsæl og sjálfsögð. Mikilvægt er að standa vörð um núverandi skipan.

HÚSNÆÐISMÁL

Jafnrétti til húsnæðislána

23. ársþing SSNV, haldið á Blönduósi 16. október 2015, kallar eftir aðgerðum til að mæta vaxandi þörf eftir nýju íbúðarhúsnæði í byggðum landsins. Þingið skorar á ríkisstjórnina að fylgja eftir stefnu sinni um endurskipulagningu húsnæðismarkaðarins og tryggja jafnrétti þegna landsins til búsetu.

Íbúðalánasjóður hefur margsannað gildi sitt þegar kemur að lánveitingum til fjárfestinga á landsbyggðinni og er félagslegt hlutverk sjóðsins einnig ríkulegt.

Nú liggja fyrir tillögur um breytta tilhögun húsnæðislána. Þingið leggur áherslu á að höfuðstöðvar nýs húsnæðislanafélags og nýrrar húsnæðisstofnunar verði settar niður á Sauðárkróki.

ANNAD

Refa- og minkaveiðar

23. ársþing SSNV, haldið á Blönduósi 16. október 2015, skorar á ríkisvaldið að veita auknu fjármagni til sveitarfélaga vegna veiða á ref og mink. Þingið mótmælir þeirri skerðingu sem boðuð er í fjárlagafrumvarpi 2016. Veiðarnar stuðla að því að unnt sé að meta og draga úr tjóni af völdum refa og minka og tryggja nauðsynlegt jafnvægi í lífríkinu.

Þingið fer fram á endurgreiðslur á virðisaukaskatti til sveitarfélaganna vegna veiðanna, til lækkunar á kostnaði.

Aðkeypt akstursþjónusta

23. ársþing SSNV, haldið á Blönduósi 16. október 2015 leggst alfarið gegn áformum ríkisvaldsins um álagningu virðisaukaskatts á aðkeypta akstursþjónustu frá næstu áramótum. Að óbreyttu mun skattlagningin leggjast á aðkeypta akstursþjónustu, hvort sem um er að ræða, almenningsamgöngur, ferðaþjónustu fyrir fatlað og aldrað fólk og skólaakstur. Engan veginn verður séð að slík niðurstaða hafi verið markmið löggjafans við setningu laga nr. 124/2014, þar er sem skýrt undanþáguákvæði í 1.gr. laganna:

Almenningsamgöngur, þ.e. fastar ferðir á ákveðinni leið innan lands samkvæmt fyrirframbirtri áætlun, jafnt á landi, í lofti og á legi. Undanþágan nær einnig til skipulagðrar ferðaþjónustu fatlaðs fólks og skipulagðs flutnings skólabarna. [...]

Þrátt fyrir undanþáguákvæðið segir í nýbirtri greinargerð starfshóps um endurskoðun reglna um virðisaukaskatt og ferðaþjónustu (sjá bls.15-16):

„Að nokkru leyti er framkvæmdin með þeim hætti að þeir sem starfrækja almenningsamgöngur kaupa akstursþjónustu af þriðja aðila. Slík akstursþjónusta verður virðisaukaskattsskyld frá 1.janúar 2016 og munu þeir sem starfrækja almenningsamgöngur bera virðisaukaskatt af keyptri þjónustu.“

Best færi á því að undanþágan næði til alls aksturs sem fellur undir almenningsamgöngur, óháð því hvort um er að ræða aðkeypta þjónustu eða þjónustu sem sveitarfélag annast sjálft. Ef sú leið er ekki fær er bent á 2.mgr. 42.gr. laga nr. 50/1988 en þar er að finna ákvæði um endurgreiðslu á aðkeyptri þjónustu, s.s. sorphreinsun, ræstingu, snjómokstri o.fl. Ljóst er að málið varðar mikla hagsmuni, því lauslega má áætla að sveitarfélögin, landshlutasamtök sveitarfélaga og fyrirtæki í þeirra eigu kaupí á hverju ári akstursþjónustu sem nemur um 5, 0 milljörðum króna.